

Մայրն ծնեալ մեղաց որդի
 Կրճիմն առեալ մօրն Եւայի . 90
 Սոյնպէս կոչիլ աշակերտի
 Մինչ չէ առեալ գիրքքն դասի :

Ը . Ձի յետ աւուրց ինչ տղան մկրտի ձե-
 ոամբ քահանային ի սուրբ աւագանն , շնորհօք
 որդի լինի Աստուծոյ եւ բնութեամբ՝ ծնողին : 95
 Նոյնպէս վարժապետն իմ փոխանակ մկրտու-
 թեան օրհնեաց զիս եւ ետ ի ձեռն իմ դասի
 գիրքն . եղէ որդի իւրն շնորհաւք :

Մեղաց որդին կրկնեալ ծնի .
 Ջուր 'ւ աւագան եւ սուրբ հոգի . 100
 Եղբայր անուամբքն Քրիստոսի ,
 Եւ բնութեամբն իւր ծնողի :
 Օրհնութիւն վարժապետի
 Համակ նրման աւագանի .
 Դասի գիրքն աշակերտի , 105
 Նովաւ բնակէ ի սուրբ Հոգի :

Տե՛ս , ով գրեզ , գրոց աշակերտ , թէ ո՛ր-
 պէս մեծ է աշխատանք վարժապետաց , որ
 ուսուցանելովն զնմանութիւն մօրն ունի օր-
 հնութեամբն համակ աւագանին որդիս իմաս- 110
 տութեան ծնանի : Ապա վայ այն աշակերտին
 որ անհնազանդ լինի վարժապետին . չիք ինչ
 ուրախութիւն վարդապետին քան զլսողու-

90 Եւայի A : — 92 սունպէս A : — 93 տղայն B :
 — 99 որդի B : — 101 Քրիստոսի] ի յաշխարհի B : —
 102 բնութեամբ B : — 108 յաշխատանք A : — 111 յաշա-
 կերտին A : — 112 ինչ չիք A : — 113 լսողութիւն A :